

## Script Of Evening Gojri News Bulletin 22 April 2024 at 1700 Hrs

ایونٹنگ گو جری نیوز بلیٹن مورخہ 22 اپریل 2024

یوہ آکا شوانی جموں ہے محمد اشفاق عدیم تے مشروف عظیم تیں خبر سُنو۔ پہلاں خاص خاص خبر۔

\*1۔ وزیر دفاع راجناتھ سنگھ نے اج دُنیا غا سب توں اچا میدان جنگ سیاچن توں حفاظتی انتظامات غوجائزولے رہیا ہیں۔

\*2۔ جموں ریاسی سانہ غا حلقہ تیں 17 لاکھ 81 ہزار ووٹر 26 اپریل نانہہ 22 اُمید واراں غی قسمت غو فیصلو کریں گا۔

\*3۔ سیاسی جماعت لوک سبھا چناؤ غا دوجا مرحلہ واسطے اپنی مہم نانہہ پُرکشش بنا رہی ہیں۔

\*4۔ تے صدر جمہوریہ دروپدی مُرمو اج نویں دہلی مانہہ راشٹر پتی بھون تیں پدم ایوارڈ پیش کر رہی ہیں۔

خبراں غی تفصیل نال پہلاں عبدالرحمن شاہین۔

### Rajnath Siachin

وزیر دفاع راجناتھ سنگھ نے اج دُنیا غا سب توں اچا میدان جنگ سیاچن گو دورو کیو۔ تانجے حفاظتی صورتحال غو جائزولیکر جا سکے۔ نال ہی اپنےاں نے ٹھنڈا تے سخت موسم آلا خطہ مانہہ تعینات فوجی جواناں سنگ گل بات وی کی۔ تے بڑی بہاری تے عزم سنگ وطن غی حفاظت خاطر اُن گا تعاون غی وی تعریف کی۔ جناب سنگھ نے کہیو جے قوم مسلح افواج غا جواناں غی ہمیشہ مقروض رہے گی کیونجے اُن قربانیاں غی بدولت ہر شہری اپنا آپ نانہہ محفوظ محسوس کر رہیو ہے۔ وزیر موصوف نے آپریشن میگھ دوت غی کامیابی نانہہ وی یا دکیو تے اس نانہہ مُلک غی فوجی تاریخ غو سنہرو باب قرار دتو۔ تے نال ہی کہیو جے اس آپریشن غی کامیابی ساراں واسطے بڑا فخر غی گل ہے۔ یاد رہے جے آپریشن میگھ دوت نانہہ 13 اپریل 1984 مانہہ سیاچن مانہہ شروع وی کیو گیو تھو۔ واضع رہے جے وزیر دفاع سنگ چیف آف آرمی اسٹاف جنرل منوج پانڈے تے کجھ ہور اعلیٰ فوجی حکام وی موجو دتھا۔

### Election 26 April

عام انتخابات غا دوجا مرحلہ مانہہ 22 اُمید واراں غی قسمت غو فیصلو جموں سانہہ سیٹ توں 17 لاکھ 81 ہزار توں متا ووٹر کریں گا۔ مہارا آکا شوانی غا نامہ نگار نے اطلاع دتی ہے جے یوہ حلقو مُلک پھر غا اُن 88 حلقاں مانہہ اک ہے جت دوجا مرحلہ مانہہ 26 اپریل نانہہ ووٹینگ ہون جا رہی ہے۔ یاد رہے جے جموں سانہہ، ریاسی آلا اس حلقہ مانہہ ووٹراں غی تعداد 1 لاکھ 81 ہزار 5 سو 45 ہے جن وچوں 9 لاکھ 21 ہزار 4 سو 62 مرد تے 8 لاکھ 60 ہزار 55 کالسریں تے 28 خواجہ سراہ شامل ہیں۔ یاد رہے جے اس حلقہ مانہہ 24 سو 16 پولینگ سٹیشن تے 18 اسمبلی حلقہ ہیں تے ات 22 اُمیدوار میدان مانہہ ہیں لیکن اصل مقابلو بی جے پی تے کانگریس بشکار دیکھیو جا رہیو ہے۔ قابل ذکر ہے جے بی جے پی توں جگ کشور شرما تے کانگریس تیں رمن بھلا نمایاں اُمید وار ہیں۔ 2019 غا عام پارلیمانی انتخابات مانہہ جموں مانہہ زبردست مقابلو دیکھیو گیو تھو تے

اس حلقہ مانہہ 2 ہزار 19 مانہہ 72 عشاریہ 49 فیصد ووٹ کھلیا گیا تھاتے بی جے پی غا امیدوار جُگل کثور شرما نے 8 لکھ 58 ہزار 66 ووٹ حاصل کرتاں واں 3 لکھ 2 ہزار 8 سو 75 ووٹاں گا فرق تون کامیابی حاصل کی تھی۔ جُگل کثور نے کا نگریس غا اُمید وار رمن بھلا نانہہ شکست دتی تھی۔ جنہاں نانہہ 5 لکھ 55 ہزار 1 سو 91 ووٹ حاصل ہوا تھا۔ یا در جے جمون تون 2 ہزار 14 تے 2019 غا لوک سبھا انتخابات مانہہ جت حاصل کرن تون بعد جُگل کثور شرما تیجی مُدت واسطے وی اُمید وار منتخب کیا گیا ہیں۔

<><><><><><><><><><><><><><>

## Dr Jatinder Singh Jammu

عام انتخابات غا دوجا مرحلہ غی چناوی مہم نانہہ 2 تہاڑا ہی بچیا ہیں جدکہ تمام سیاسی جماعت ووٹراں نانہہ اپنی جماعت غا اُمید وار غا حق مانہہ ووٹ پان بارے پُر زور کو شش کر رہی ہیں۔ اس مرحلہ مانہہ 88 نشستوں ور 13 ریاستاں مانہہ ووٹ پایا جائیں گا۔ اس مہم غے مد نظر اچ بھارتیہ جنتا پارٹی نے اپنا اُمیدوار غا حق مانہہ پنج تیرتھی چوک تون اک ریلی غو اہتمام کیو جن مانہہ مرکزی وزیر ڈاکٹر جتندر سنگھ وی موجو دتھا۔ اس تقریب غے دوران ووٹراں نے گلی کوچاں مانہہ جُگل کثور شرما غا حق مانہہ نعرہ با زی کی۔ اس دوران ڈاکٹر جتندر سنگھ نے بولتیاں واں اس طرح کہیو۔۔۔ بائیٹ۔۔۔

<><><><><><><><><><><><><><>

## Reasi Polling

ضلع ریاسی غا نوجوان باقی علاقوں تون اپنا آبا ئی علاقوں مانہہ پُچ رہیا ہیں اس طرح ممتازانی جس غی شادی جیلپور مدھیہ پر دیش ہوئی تھی وا کُجھ دن پہلاں اپنو ووٹر شناختی کارڈ ملن ور اپنا آبا ئی گراں پُچ گئی جت وا اپنو ووٹ دین غی تیاری مانہہ ہے۔ واضع رہ جے ممتازانی اُن پہلی وار ووٹ پان آلاں مانہہ شمارے جہیڑا جے 11 ہزار 15 ہیں۔ جن وچوں 5 ہزار 9 سو 65 مرد تے 5 ہزار 50 کالسری شامل ہیں۔ جیسو جیسو پولینگ تہاڑو نزدیک آرہیو ہے نوجواناں مانہہ پہلی بار ووٹ پان غی بڑی خوشی دیکھی جا رہی ہے۔ مہارا نامہ نگار سنگ گل کرتاں واں اُن نے اس طرح کہیو۔۔۔ بائیٹ۔۔۔

<><><><><><><><><><><><><><>

## ECI Heatwave

درجہ حرارت مانہہ باہدہ غی پیشنگوئی غے مد نظر الیکشن کمیشن نے اچ مُلک مانہہ بکھ بکھ جگہاں ور گرم لو چلن ور منظمین سنگ اک جائزہ میٹنگ لی۔ اس میٹنگ غے دوران گرم لوغا خطرات بارے ضروری اقدام لین ور وی گل بات کی۔ اس میٹنگ مانہہ بھارتیہ محکمہ موسمیات غا عہدیداراں، قومی قدرتی آفات نال نمژن بارے حُکام تے مرکزی وزیر صحت نے حصولیو۔

<><><><><><><><><><><><><><>

## SKAUST Training

باغبانی فصلاں خاطر مارکیٹنگ تے کاروباری مواقع ور 5 روزہ تربیتی پروگرام غو اچ آر ایس پورہ سکاوسٹ جمون مانہہ افتتاح کیو گیو۔ اس پروگرام غی سرپرستی ایل سی ایس نیشنل انسٹی ٹیوٹ آف ایگریکلچرل مارکیٹنگ جے پور راجستھان کر رہیو ہے۔ یا درہ جے یاہ پہل مقامی برادریاں نانہہ با اختیار بنان خاطر تے مرکزی زیر انتظام جمون کشمیر مانہہ ذرعی اختراعات نانہہ اگے بدھان خاطر تیار کی گئی ہے۔ اس موقع ور ڈاکٹر دل محمد مخدومی نے اپنا خطاب مانہہ مقامی فصلاں مانہہ سمجھن تے اُن نانہہ فروغ دین ور لو کھلی۔



تے ماحول دوست سماج نانہہ اگے لے جانو۔ اس تقریب مانہہ تقریباً 60 طالب علمان نے حصو لے غے اس گل غو عہد کیو جے وے پلاسٹک غا استعمال نانہہ بند کریں۔

<><><><><><><><><><><><><><><><>

## IPL Cricket

آئی پی ایل کرکٹ مانہہ راجستھان رائلز اج جے پور غا سوائی ماں سنگ سٹیڈیم مانہہ ممبئی اینڈین سنگ مقابلو کھیڈے گی۔ یوہ میچ اج شام ساڈھا 7 بجے شروع وے گو۔ گذشتہ رات گجرات ٹائٹنز نے چندی گڑھ غا مہاراجہ یا دوندر سنگھ بین القوامی کرکٹ اسٹیڈیم مانہہ پنجاب کنگز نانہہ 3 وکٹاں توں برادتو تھو۔

<><><><><><><><><><><><><><><>

اس غے نال ہی خیراں غو یوہ بلیٹن ختم ہوؤ۔